



Broj: 22-04-44-1-104/18
Sarajevo, 15.04.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 14.04.2018. do 07:00 sati 15.04.2018. godine

PRIPADNICI GORSKE SLUŽBA SPAŠAVANJA KANTONALNE UPRAVE CIVILNE ZAŠTITE KANTONA SARAJEVO PRONAŠLI NESTALOG MLADIĆA NA PODRUČJU OPĆINE TRNOVO

Dana, 14.04.2018. godine u 08:00 sati sati Kantonalni operativni centar civilne zaštite primio je informaciju od građanina da je u mjestu Gaj, Općina Trnovo u toku jučerašnjeg dana nestao 25.-godišnji mladić. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, a po propisanim procedurama angažovana je Gorska služba spašavanja Kantonalne uprave civilne zaštite Kantona Sarajevo, čija je jedna ekipa odmah izašla na širi lokalitet gdje je nestao mladić.

Pripadnici Gorske službe spašavanja Kantonalne uprave civilne zaštite Kantona Sarajevo su u 14:15 sati pronašli nestalog mladića na biciklističkoj stazi na lokalitetu Brda prema Rakitnici, kojeg su poslije pregleda predali njegovoj porodici.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su pet intervencija, od toga četiri manje i jednu veću. Dana 14.04.2018.godine u 23:15 sati došlo je do požara u naselju Grabovina (Gladno polje) općina Ilidža, gorio je krov kuće i dio štale. U intervenciji je učestvovalo šest vatrogasaca sa dva vatrogasna vozila. Požar je lokalizovan u 23:46 sati, a likvidiran u 03:00 sati. Povrijeđenih nije bilo. Ostale intervencije su manjeg inteziteta, jedna na gašenju smeća, jedna na gašenju dimnjaka, jedna tehnička i jedna na učešću u potrazi.

Federalni hidrometeorološki zavod: Jutros u 07:00 sati temperatura u Sarajevu, je iznosila 14°C, vlažnost zraka 84%, a barometarski pritisak 943,0 hPa.

BIHAMK: - Zbog održavanja [24.me](#) međunarodne atletske trke „Vivicitta 2018“ danas od 10 do 12 sati obustavlja se saobraćaj u ulicama: Maršala Tita, Musala, Obala Kulina bana, Telali, Bentbaša (od raskrsnice sa ulicom Telali do raskrsnice sa ulicom Nevjestina) i Mula Mustafe Bašeskije.

- Radi provođenja mjera osiguranja bezbjednog održavanja fudbalske utakmice (FK „Sarajevo“-FK „Željezničar“) danas od 14:30 do 20:15 sati obustavlja se saobraćaj u ulici Patriotske lige-obilaznica pored Olimpijskog stadiona Asim Ferhatović Hase od ulice Patriotske lige do ulice Alipašina.

PO OVLAŠTENJU DIREKTORA
Dežurni operativac
Salko Zaimović

Dostavljeno:

- Direktor KUCZ Kantona Sarajevo
- F OC
- a/a



web: <http://kucz.ks.gov.ba>; e-mail: oc@kucz.ks.gov.ba
Tel: + 387 (0) 33 **121**, + 387 (0) 33 556-670; Fax: + 387 (0) 33 566-671
Sarajevo, Reisa Džemaludina Čauševića 1